

Muncho-y prestó a l'Academia de la Llingua colaborar colos autores del llibru inxiriéndolu na so coleición "Escolín". La coleición "Escolín" ye un finxu fundamental del procesu de recuperación del asturianu. Ye una de les estayes más prestoses de l'Academia de la Llingua. Y bien de dificultaes que surden al mantenela, pos, ciertamente, dende dalgunos ámbetos del poder pónense torgues a les actividaes de l'Academia de la Llingua Asturiana. Pos paez qu'un de los oxetivos ye quita-y a l'Academia la posibilidá de faer esta coleición. Ye una falta de responsabilidad total, pos nun faciendo lo que l'Academia fai lo que se perxudica ye, nin más nin menos, a la llingua d'Asturies.

Pero yo creo que l'Academia podrá seguir trabayando pola llingua. Ente otres coses, porque nos momentos difíciles muchos maestros, muchos profesores sofitaron a l'Academia ensin dudalo. Y non porque quixeran defender una institución, les instituciones en sí mesmes nun valen nada, sinón porque queren defender coses comu la coleición "Escolín".

Nun ye fácil el futuru. Pero nin les amenaces, nin les presiones, nin los cadavéricos restos del fascismu serán a facenos baxar les nuestres banderes. Nun serán quien a segar los guaños de la llingua asturiana.

Roberto González-Quevedo

CONCURSU DE POESIA DEL AÑO 1988

Aconceyáu'l xuráu calificador del Concurso de Poesía del añu 1988, entamáu pola Academia de la Llingua Asturiana, y formáu polos señores Vicente García Oliva, faciendo de presidente, Xosé Bolado García, faciendo de secretariu y Miguel Ramos Corrada, comu vocal, apautóse'n declarar dichu concursu ERMU.

Xixón, 20 d'avientu de 1988

LLIBRERIA ASTURIANA

1. Carlos Rubiera *Cuentos de bona oreya*. Uviéu, ALLA, Llibrería Académica 12, 1988.
2. X. A. Fernández Alvarez et alii *Otros cuentos n'asturianu*. Uviéu, Conseyería d'Educación, Cultura y Deportes, "Dayures", 1988.

3. Teodoro Cuesta *Poesías Asturianas*. Xixón, Ed. Auseva, 1988. Ye edición facsimilar de la d'Uviéu de 1895. Fai agora l'entamu Pedro L. Menéndez.
4. J. Somoza *Cosiquines de la mio quintana*. Xixón, Ed. Auseva, 1988. Ye edición facsimilar de la d'Uviéu de 1884. D'un gran interés son les cartes n'asturianu inxeríes ente páx. 213-268.
5. J. Viale Montinho *Mázcares Venecianes*. Uviéu. Ed. Aina, 1989. Torna: Adolfo Camilo Díaz.

OTRES PUBLICACIONES

- Orbayando. Revista Asturiana d'Información*. n. 1. Avientu 1988. Ye publicación bimestral. 300 ptes. Xixón.
- Conceyu Abiertu*. n. 1. Mayu/Xunu 88. Uviéu, Xunta Nacionalista Asturiana.
- WC. Nos. 0, 1, 2. Figaréu 1988. Direutor: Nel Amaro.
- J. Fernández Obaya *Alborada Otoñal. Canciones poemas y sonetos*. Xixón 1988. Inxere dalgún poema n'asturianu.
- Asturies. Informativu*. 7 y 8. Setiembre-Diciembre 1988. Casa de Asturias. Alcalá de Henares. Empobina: Evaristo Baizán.
- El Llapiceru*. 1. CB. Comics Asturies. Xixón 1988. Empobina: Lluís Antón Gaonzález.
- Contact*. The European Bureau for Lesser Used Languages. Volume 5, n. 2. Setiembre 1988. Commission des Communautés européennes. Inxere un artículu d'información xeneral debíu a Alan Rees, de la universidá de Manchester, col títulu "L'Asturien: une langue non-officielle en Espagne".
- L'Esperteyu*. 9. Avientu 1988. Avilés.
- La Llariega*. 2. Periódicu escolar del Colexu Públicu d'Oubanca. Cangas del Narcea.

BIBLIOTECA DE FILOLOXÍA ASTURIANA

Esta "biblioteca", editada pola Universidá d'Uviéu, qu'empobina Juan Carlos Villaverde Amieva, asoleyare yá'l so primer llibru, una collecha d'artículos del estudiosu alemán Fritz Krüger, col titulu *Palabras y Cosas del Suroeste de Asturias*. Uviéu 1987. Yera'l número 2. Agora, a últimos de 1988, la Biblioteca de Filoloxía Asturiana enriquezse con dos títulos nuevos:

* Ake W: son Munthe *Anotaciones sobre el habla popular de una zona del occidente de Asturias*. Uviéu 1987. Torna castellana de la edición sueca apaecida n'Upsala nel añu 1887, fecha por Berta Pallares. L'entamu y notes son d'Ana M. Cano. La torna débese a les xestiones llevaes darréu pola Academia de la Llingua Asturiana y de mou especial por María Josefa Canellada, miembru de la mesma. El llibru ye'l número 1 de la BFA.

* X. Ll. García Arias *Contribución a la Gramática Histórica de la Lengua Asturiana y a la Caracterización Etimológica de su Léxico*. Uviéu, 1988. Ye'l número 3 de la BFA.

DOCUMENTOS

F. J. Fernández Conde, I. Torrente, G de la Noval:
El Monasterio de San Pelayo de Oviedo. Historia y Fuentes.
III. *Colección Diplomática (1379-1449)*. Uviéu, 1987.